

讀史方輿紀要

辛丑仲秋

安師題簽

讀史方輿紀要卷十

常熟顧祖禹景范輯著

直隸一

古冀州舜分置十二州此爲幽州傳曰舜分冀東恆山之地爲并州東北醫無閭之地爲幽州則禹貢亦爲冀

州周禮職方東北曰幽州應劭曰北方大陰故以幽冥爲號杜佑曰山海經幽州有幽都山州蓋因以名今山列北荒矣武王封召公奭於燕此爲燕地其在

天文尾箕則燕分野亦兼趙魏之疆真定順德廣平河間春秋時晉地後屬於趙大名春秋時衛地後屬秦并天

下置漁陽上谷邯鄲鉅鹿右北平等郡漢置十三州此亦爲幽州及并冀二州地後漢因之後漢以幽州理薊今順天府治也冀

州理薊今見趙州栢鄉縣而并晉亦爲幽冀諸州幽理涿今涿州冀理房州則理晉陽今山西太原縣後爲石勒慕容儁及苻堅所據堅敗

屬慕容垂其後入於後魏魏末高齊據之宇文周復滅齊而有其地隋分十三部此亦爲冀州而不詳所統唐

分十道北爲河北道天寶以後強藩往往竊據焉五代時石晉割燕平諸州入于契丹周世宗復三關於是與

契丹以白溝河爲界見保定府雄縣及順天府霸州境內宋仍爲河北路後又分河北爲東西路慶曆中嘗分爲四路今詳見州域形勢說下最後

建燕山路而宋以亡金初亦分河北爲東西路廢主亮定都于燕因改置中都等路蒙古初置燕京路至元四

年定都于此改大都路置中書省統山東西及河北地明洪武九年置北平等處承宣布政使司永樂元年建

北京稱爲行在十八年始定都焉改布政司爲直隸洪熙初復稱行在正統六年定爲京師統府八州二屬州十七縣一百

二十六總爲里三千二百有奇夏秋二稅大約六十萬一千一百五十二石有奇而衛所參列其中

順天府 屬州五 縣二十二

大興縣 附郭 宛平縣 附郭 良鄉縣 固安縣 永清縣 東安縣 香河縣

通州 屬縣四

三河縣 武清縣 薊縣 寶坻縣

霸州 屬縣三

文安縣 大城縣 保定縣

涿州 屬縣一

房山縣

昌平州 屬縣三

順義縣 懷柔縣 密雲縣

薊州 屬縣四

玉田縣 豐潤縣 遵化縣 平谷縣

保定府 屬州三 縣十七

清苑縣 附郭 滿城縣 安肅縣 定興縣 新城縣 雄縣 容城縣 唐縣

慶都縣

博野縣

蠡縣

完縣

祁州

屬縣二

深澤縣

束鹿縣

安州

屬縣二

高陽縣

新安縣

易州

屬縣一

來水縣

河間府

屬州二

縣十六

河間縣

附郭

獻縣

阜城縣

肅甯縣

任邱縣

交河縣

青縣

興濟縣

靜海縣

甯津縣

景州

屬縣三

吳橋縣

東光縣

故城縣

滄州

屬縣三

南皮縣

鹽山縣

慶雲縣

眞定府 屬州五 縣二十七

眞定縣

附郭

井陘縣

獲鹿縣

元氏縣

靈壽縣

藁城縣

欒城縣

無極縣

平山縣

阜平縣

定州

屬縣三

新樂縣

曲陽縣

行唐縣

冀州

屬縣四

南宮縣

新河縣

棗強縣

武邑縣

晉州

屬縣三

安平縣

饒陽縣

武強縣

趙州

屬縣六

柏鄉縣

隆平縣

高邑縣

臨城縣

贊皇縣

甯晉縣

深州

屬縣一

衡水縣

順德府

屬縣九

邢臺縣

附郭

沙河縣

南和縣

任縣

內邱縣

唐山縣

平鄉縣

鉅鹿縣

廣宗縣

廣平府

屬縣九

永年縣

附郭

曲周縣

肥鄉縣

雞澤縣

廣平縣

成安縣

威縣

邯鄲縣

清河縣

大名府

屬州一縣十

元城縣

附郭

大名縣

魏縣

南樂縣

清豐縣

內黃縣

濬縣

滑縣

開州

屬縣二

長垣縣

東明縣

永平府

屬州一縣五

盧龍縣

附郭

遷安縣

撫甯縣

昌黎縣

灤州

屬縣一

樂亭縣

直隸

慶州

屬縣一

永甯縣

萬全都指揮使司

屬衛十五 所三

宣府左衛

附郭又有宣府右衛前衛及興和所俱在郭內

萬全左衛

萬全右衛

懷安衛

又保安左衛在郭內

懷來衛

又延慶右衛在郭內

開平衛

龍門衛

蔚州延慶左永甯保安四衛別見

龍門所

廣昌美峪二所別見 長安嶺鵬鵠赤城雲州馬營五堡附見

舊開平衛

附

舊大甯衛

附

東濱海

自山海關以南與遼東接界天津衛以南與山東接界皆大海也

南控三齊

燕齊地界相錯由京師走山東德州七百里而近楚粵江浙閩海之趨京師者皆以山東為梯航

之會

西阻太行 太行中分冀州之界 圍環數千里 唐宋河北河東皆以太行爲限 蔽

北屈沙漠 幽州之地 控帶沙漠 明初列戍漠南 鎖鑰深固 後防維日壞 無復初制矣

其名山則有恆山 恆山亦曰常山 亦曰北嶽 在真定府定州曲陽縣西北 百四十里 互保定府以西及山西

大同府東境

保定府志府境自唐縣以北接於易州皆恆山也 山西澤源州志恆山在州南二十里北接蔚州之境

舜典歲十一月朔巡狩至于北岳禹貢太

行恆山周禮職方并州其山鎮曰常山爾雅恆山爲北岳祠典五岳之一也

水經注謂之元岳

史記趙世家趙簡子

告諸子曰吾藏寶符於常山上諸子馳之常山上求無所得毋恤還曰已得符矣簡子曰奏之曰從常山上

臨代代可取也又楚世家張儀說楚曰秦地半天下席捲常山之險必折天下之脊燕世家燕聽張儀計願

獻常山之尾五城於秦漢天漢二年祠常山瘞元玉後漢初平四年袁紹與黑山賊張燕等戰於常山建安

三年紹攻公孫瓚於易京

見雄縣

瓚欲將突騎出傍西山擁黑山之衆不果

西山卽恆山黑山在今滄縣西北張燕等聚衆於此依西山爲險

天文志恆山辰星鎮焉晉建興四年恆山崩

義熙五年恆山又崩

太元十一年丁零翟真餘黨鮮于乞保曲陽西山聞

慕容垂南略地

時垂都中山

乃出營望都

今慶都縣

爲慕容麟所敗二十一年慕容垂自將伐拓跋珪引兵密發踰青

嶺徑天門鑿山通道出敵不意逕指雲中

青嶺卽恆嶺天門亦曰鐵門今爲倒馬關

隆安初拓跋珪圍中山燕慕容麟作亂自中

山出奔西山依丁零餘衆二年拓跋珪自鄴還中山將北歸發卒萬人治直道自望都鐵關鑿恆嶺至代五

百餘里。劉伯莊曰即義熙十三年北魏將叔孫建擊丁零翟蜀洛支等於西山平之劉宋永初三年北魏主

嗣謀侵宋將諸國兵南出天關。即天踰恆嶺也元嘉五年定州丁零鮮于臺陽等二千餘家叛入西山北魏將

叔孫建復討降之二十年北魏主肅自平城如恆山之陽隋大業四年祠恆岳唐武德五年突厥寇定州總

管雙士洛擊敗之於恆山南五代周顯德六年將復關南之地詔義武帥孫行友捍西山路。使漢不得越西

行友因引兵拔契丹之易州地記恆山北臨代南俯趙東接河海之間天下形勝處也唐十道志河北名山

曰常岳常水出焉括地志北岳別名華陽臺自上曲陽縣西北行四百五十里得常山吸號飛狐口北則代

郡也。名山記恆山高三千九百丈上方二千里有大元泉其山有五名一曰蘭臺府二曰列女宮三曰華陽臺四曰紫微宮五曰太乙宮又北岳記恆山頂一名無恤臺以趙襄子嘗登此觀代國下瞰東海也地

志云恆山高侵霄漢頂名天峰嶺下建北岳觀觀前風出如虎吼名虎風口其餘峰巖洞壑隨地立名者以數百計中山志中山西北二百里有狼山自狼山而西南

連常山山谷深險漢末黑山張燕五代孫方簡兄弟皆依阻其地沈括曰北岳恆山一名大茂山宋以大茂

山脊與契丹分界胡氏曰自恆山至代有飛狐之口倒馬之關夏屋廣昌五回之險。夏屋見山西代州廣昌見山西廣昌縣五回見

易州夫恆山挺峙於冀州之中為東西屏蔽巖谷高深道路阻險出奇者所必由也

太行 太行山亦曰西山在順天府西三十里志云太行首起河內北至幽州今由廣平順德真定保定之西

回環至京都之北引而東直抵海岸延袤二千餘里皆太行也從鎮定澤潞諸州而言則曰山東西自燕雲

諸州而言則曰山前後石晉以山前後十六州入於契丹為中原之禍者數百年蓋太行隔絕東西實今古

之大防州軍鎮成山錯列憑高控險難於突犯亦謂之燕山河北所恃以爲固者也志勝云今界內諸山凡強形巨勢爭奇競險拱翼幾甸者皆太行之支峯別阜耳又太行凡八陁其在河北者有四曰井陘曰飛狐曰蒲陰曰軍都餘詳見河南名山太行

碣石 碣石山在永平府昌黎縣西北二十里禹貢夾右碣石入于河又云太行恆山至于碣石蓋河北之大

山也戰國策蘇秦曰燕南有碣石雁門之饒山海經碣石之山澗水出焉東流注於河史記秦始皇三十二年之碣石刻碣石門

壞城郭決通隄防二世元年東行郡縣刻碣石並燕南至會稽漢武帝元封元年東巡海上至碣石北魏主

濬太安三年東巡登碣石望滄海改碣石山爲樂遊山北齊主高洋天保四年破契丹還至營州登碣石山

臨滄海後周大象初發山東民脩長城立亭障西自雁門東至碣石唐十道志河北道名山曰碣石孔穎達

曰碣石在平州東離海三十里遠望其山穹窿似冢有石特出山頂其形如柱當卽禹貢之碣石爾雅釋名碣石者碣

然而立在海旁也水經注碣石山在驪成縣西南枕海有石如甬道數十里當山頂有巨石如柱形立於巨海

中莫知深淺世謂之天橋柱舊在河口海濱歷世既久爲水所漸淪入於海去岸五百里漢平帝時司空掾王

橫言昔天嘗連北風海水溢西南出浸數百里故張君云碣石淪在海中班固亦云商禡周移也武后萬歲登封初契丹酋帥李盡忠孫萬榮作亂據營州

進圍檀州遣將軍曹仁帥等擊之戰於硤石谷唐兵大敗明年王孝傑與孫萬榮戰於東硤石契丹兵退孝

傑追之行背懸崖契丹回兵薄之孝傑敗沒唐志平州有東西硤石二成硤石卽碣石之訛也又武后末唐

休璟練習邊事自碣石以西踰四鎮綿互萬里山川要害皆能紀之通釋曰碣石凡有三鄒衍如燕燕昭王

館之碣石宮。身親往師之。此碣石特宮名耳。在薊縣東二十里。甯臺之東。非山也。秦築長城。起自石。此碣石

石在高麗界中。亦謂之左碣石。杜佑曰。秦長城所起之碣石在漢樂浪郡遂城縣地。今猶有長城遺址。其在東截遼水入高麗。隋大業八年伐高麗。分遣趙孝才出碣石道是也。

平州界內者。卽古大河入海處。爲禹貢之碣石。亦曰右碣石。元金仁山亦云。碣石有左右二山。此皆傳譌也。

郭造卿云。今昌黎縣北十里有仙人臺。卽碣石頂也。其臺崇廣。絕壑萬仞。仰凌霄漢。回視邊塞。俱在眉睫間。

又有一巨石。形如鼙鼓。疑卽所稱天橋柱。昔人謂碣石淪在海中。似未然也。

其大川。則有桑乾河。桑乾河源出山西馬邑縣西北十五里洪濤山。亦名累頭山。灤水出焉。卽桑乾河上源也。漢志注謂之治水。治讀曰除。水經注

謂之灤水。又謂之索涿水。東流經大同府南山陰縣。應州。渾源州之北。又東流經廣靈縣及蔚州北境。入直隸保安州界。

經州西南出西山。至順天府西南曰盧溝河。俗呼小黃河。以其流濁而易淤也。亦謂之渾河。出盧溝橋下。東

南流爲看丹口。或誤爲燕丹口。元史作東麻谷去府四十里。分二派。一東流至通州南高麗莊。在州西南十三里。稍東南卽張家灣也。合白河。一南

流經良鄉縣東。固安縣西。爲巨馬河。與霸州界河合。東流經永清縣及東安縣南。至武清縣。小直沽達於海。

後漢建武十三年。王霸治飛狐道。陳委輸事。從濕水漕。以省陸輓之勞。卽此也。漢志注治水過郡六。雁門代郡上谷

涿郡廣陽行千一百里。又桑乾水入幽州境。亦謂之南桑乾水。隋煬帝大業七年。伐高麗。宜社於南桑乾水上。

是也。宋宣和四年。童貫侵遼。遣劉延慶等出雄州。至良鄉。爲遼所敗。降將郭藥師請奇兵夜半逾盧溝。襲燕

京。入迎春門。以軍無後繼。不能克。延慶營於盧溝橋潰還。遼人追至涿水而去。乾道六年。金人議開盧溝河。

以通京師漕運自金口河導至京城北入潑又東至通州北入潑水既而以地峻水濁不堪舟楫漕渠竟不成元致和元年上都諸王忽刺臺等入紫荆關游兵進逼盧溝橋為燕帖木兒所敗遁去盧溝蓋京師南面之巨壑也

志云渾河流濁勢盛大興而東南入東安武清界金元時皆修築堤岸以防潰決綿亘三四百里而武清崩圯尤甚每費修塞有明隄防之役亦常不乏焉

淖沱河 淖沱河源出山西繁峙縣東北百二十里之大戲山由繁峙縣折而西南流經代州東南又西南經

崞縣忻州及定襄縣東復折而東南流經五臺縣南孟縣北又東入直隸真定府平山縣界經縣北又東經

靈壽縣及真定府城南歷藁城縣北趨晉州城南繞保定府束鹿縣南又過安平縣南達深州北復東出饒

陽縣北歷河間府獻縣南交河縣北入青縣界至縣東南岔河口合於衛河東北流至靜海縣小直沽入於

海周禮職方并州川曰虘池

虘池讀曰呼馳

禮記晉人將有事於河必先淖沱是也

亦謂之惡池惡讀曰汚

戰國策趙攻中山

以擅淖沱

漢志注淖沱過郡六代郡太原真定常山鉅鹿勃海

行千三百七十里更始二年世祖自下曲陽

見晉州

馳至淖沱

渡河所謂倉卒淖沱河麥飯也建武十三年以匈奴寇邊遣馬武屯淖沱河以備之建安中曹操自饒陽北

引淖沱河為平虘渠後魏時冀州刺史王質以淖沱河流屈曲疏而直之又刺史楊真請改淖沱河為清甯

河唐六典河北大川曰淖沱自安史之亂淖沱南北常為戰爭之所五代時契丹南牧晉人每禦之於淖沱

宋咸平中何承矩築隄儲水以限戎馬則引淖沱為塘泊蓋淖沱橫亘於河北燕趙有事淖沱上下皆津渡

處矣

衛河 衛河源出河南輝縣西北七里之蘇門山東流經新鄉縣北過衛輝府城北一里又東北入北直大名

府濬縣境謂之白溝淇水入焉亦謂之宿胥瀆志云衛水小水也後漢建安九年曹操於淇水口下大枋木

遏淇水東入白溝是時淇水入大河故操遏使東北流以便漕運衛河乃附淇水而東南淇縣隋大業四

年又引白溝爲永濟渠亦曰御河自是衛河專有御河之名而淇水之名遂掩今衛河由濬縣經內黃縣北

魏縣東南又經大名府城南東北流與故屯氏河相接屯氏河亦名王莽河歷山東東昌府館陶縣西漳河合焉又東

北流至臨清州西與元人所開會通河合流濁勢盛漕河得此始無淺澀之虞由此歷武城縣及恩縣之西

至北直故城縣南又東北歷山東德州西又北歷直隸景州東境吳橋縣西境過東光縣西交河縣東南皮

縣西又北抵滄州西及興濟縣西又北至青縣南岔河口而合於滹沱又北至靜海縣與霸州文安縣接界

引而東達天津衛又東百里而入於海曲折幾二千里此衛河之大略也宋時黃河北流往往浸溢衛河屢

費修塞元初漕舟涉江淮入河至於封邱河南開封府屬縣陸運一百八十里至淇門今衛輝府淇縣入於御河達於京師

蓋用衛河之全也國家復濬會通河乃用衛河之半云詳見川瀆漕河

易水 易水源出保定府易州西山谷中

漢志注易水出故安縣閭鄉水經注亦云易水出故安縣閭鄉西山故安卽今易州也顏師古曰閭縣在故安西入廣昌縣界周禮

職方并州浸淶易戰國策蘇秦曰燕南有滹沱易水又云趙之攻燕也渡滹沱涉易水不至四五日而距國

都矣史記燕太子丹使荊軻刺秦王祖道易水上又始皇二十年秦軍破燕易水之西漢志易水東至范陽

入濡。云至范陽入涑。漢范陽縣在今易州東南六十里建安十一年曹操伐烏桓還至易水上郡代郡烏桓皆來賀誓永

安初幽州都督王浚入鄴還至易水以所將鮮卑多掠鄴中婦女命敢有挾藏者斬於是沉於易水者八千

人二年石勒襲浚至易水督護孫緯欲拒戰勒給浚至薊奉戴浚信之因禁諸將勿擊勒遂滅浚還渡易水

緯遮擊之勒僅免唐光化三年汴將張存敬攻定州幽州帥劉仁恭遣子守光救之軍於易水上存敬襲擊

守光殺獲甚衆。此易水蓋安州以東之南易水朱梁乾化二年晉將周德威伐燕劉守光東出飛狐與鎮定軍會於易水進

下祁溝關。此易水蓋即易州境之北易水祁溝關見涿州樂史云易水有三源流經易州南三十里者曰中易水出州西北三十里

窮獨山者謂之濡水亦曰北易水出州西南六十里石獸岡者謂之霍水。一作鮑水亦曰南易水中易水流經定

興縣西亦謂之白溝河涑水縣之拒馬河流合焉。拒馬河即涑水漢志所云東入涑者也自是易水兼有白溝河拒馬河之名宋人引之與遼分界於是又有界河之

名又東經安肅縣北及容城縣北濡水流合焉。所謂北易水也又經新城縣南亦曰拒馬河歷雄縣北及順天府霸

州之北。良鄉縣之琉璃河固安縣之盧溝支河皆流合焉又東經東安縣及永清縣南。宋霸州治永清時拒馬河經縣北金元時始徙流縣南入武清縣之三

角淀又東南至小直沽與衛河合達於海此易水之東出者也其南易水。即霍水也自安肅容城縣南又東南經

安州北曹河徐河石橋河一畝泉河滋河沙河鴉兒河唐河與易水共爲九河合成一川統名爲易水東至

雄縣南亦名瓦濟河又東歷河間府任邱縣北霸州之保定縣文安縣南引而東合於滹沱同注於海此易

水之別出而東南流者也蓋易水之源並出於易州而其流自不相亂或曰易水或曰故安河則推其本而

言之也。或曰拒馬河。或曰白溝河。則從其流而言之也。其於南易水。或曰滋河。或曰沙河。唐河則因其所匯合之川言之也。宋何承矩議引易水爲塘。塘謂既可以限敵騎。又可以利耕屯。然自宋人引水作塘之後。而川流之故道益亂矣。或曰易水本無正流。附合支川。以達於海。故自漢以來。言易水之源流者。多未得其詳云。

漳水 漳水有二源。濁漳水出山西長子縣西五十里之發鳩山。地理志謂之鹿谷山。經潞安府西南二十里。東北流。歷

襄垣潞城平順縣北。黎城縣南。入河南彰德府林縣境。過縣北。至臨漳縣西。而合於清漳。清漳水出山西樂

平縣西南二十里之少山。地理志謂之大甌谷。入遼州和順縣。經縣西至州東南。又歷潞安府黎城縣東北。入彰德府

涉縣南境。過磁州南。至臨漳縣西。而合於濁漳。此漳水之上流。歷久不變者也。自是而下。雖決徙不常。然大

抵分爲兩途。其一爲漳之經流。禹貢所稱橫漳者也。由臨漳縣東北。入直隸廣平府境。經成安縣南。廣平肥

鄉縣北。至曲周縣西。又東北。歷雞澤縣。更合沙洛諸水。入順德府平鄉縣境。杜佑曰。洛水縣南有衡漳。漢禹貢覃懷底績。至於衡漳。蓋謂此

洛水今威縣也。漳水嘗由此東北過順德府廣宗縣東。入真定府冀州界。又北至南和縣西。合於豐河。舊流自平鄉縣東。又北經廣宗縣西。鉅鹿縣東。而北注於大陸澤。近代決徙不常。遂

合豐河而注於大陸。經任縣。東至趙州隆平縣。東北匯於大陸澤。又經甯晉縣南。又東過新河縣。及南宮縣北。冀州西

北。又經深州之南。衡水縣及武邑縣之北。又經武強縣東。而入河間府阜城縣西北境。又東經交河縣南。合

於淖沱。或謂之衡水。或謂之枯澤水。或謂之葫蘆河。或謂之長蘆河。其實皆漳水也。通釋漳水舊從德州長

河縣今見河間府景州東北流經瀛州平舒縣今霸州大成縣入於河周定王五年河徙而南故漳水不入河而自達於海。

夫陵谷變遷誠難意測今漳水附滹沱而入海不自達海也其一為漳河之支流從臨漳縣東入直隸大名

府魏縣界經縣南分新舊二漳歷府城西東北流入山東東昌府館陶縣西境而合於衛河漳濁衛清衛得

漳流始盛而水亦濁過臨清西而合運河運河弱而衛強於是設閘於河口以防夏秋潦溢之患運船至此

謂之出口東北達於天津由小直沽入海自元以來類資漳河為轉輸之助故經流日就湮塞間或從臨漳

挾盜水東北出議者鯁鯁然憂之恐衛流漸弱不足以濟運也志云河間府東光縣城西有濁漳水由東昌

府之恩縣入景州之故城縣界又經吳橋縣東復北流入東光縣合於衛河此即漳衛合流之水隨時散溢

者今湮塞已久非漳河正流也萬歷初漳河嘗北徙由魏縣入曲周縣之滏陽河而館陶之流幾絕是後臨

漳濬縣內黃魏縣之境往往決塞不時蓋水流淤濁之故也大抵經流盛則支流衰支流盛則經流竭消長

有時而臨漳已下漳水已合為一志或言清或言濁者不過參錯言之非合流之後又有二漳水也清漳合濁漳以

後清者亦為濁所奪故通典多言濁漳夫橫漳之稱肇於禹貢職方冀州其川漳戰國策蘇秦言秦申渡河踰漳據番吾見其定府

平山則兵必戰於邯鄲之下矣張儀曰秦趙戰於河漳之上再戰而趙再勝至於史起鑿渠以富國曹公導

流以通漕皆漳水也詳見河南彰德府漢志注漳水過郡五上黨魏郡清河信都勃海行千六百八十里唐十道志河北大川曰

漳水

灤河 灤河源出宣府衛西百三十里之炭山東北流經雲州堡北六十里馬營堡南二十餘里又北流經廢

桓州南入舊開平衛境東南流經古北口邊外小興州東又東南與邊外九道流河及諸小水合勢始大由

薊州遵化縣東北團亭寨入內地經永平府遷安縣東至府西合於漆河又經灤州東至樂亭縣南入於海

自源徂流橫互於北境蓋千有餘里水經注濡水自塞外來過令支肥如海陽等縣入於海濡水即灤水也

濡乃官反音與灤同亦謂之灤水 晉元康五年鮮于跖跋祿官分其國爲三部一居上谷之北濡源之西即今宣府以西地

也義熙三年北魏主珪北巡至濡源自是以後往往爲巡行頓舍之處十三年魏主嗣遣將延普渡濡水擊

叛將庫偃官斌斬之進攻燕令支劉宋元嘉六年魏主壽大破柔然高車徙降附之衆於漠南東至濡源西

暨五原陰山三千里中使之耕牧而收其貢賦九年魏主壽至濡水遣將奚斤發民兵運攻具出南道會和

龍以伐北燕括地志灤水導流深遠爲幽平之外壑北使錄灤水闊不盈丈而中甚深兩岸柳條叢生秋時

採爲箭簞彝人以河水青綠急流呼曰商都此謂今開平廢衛以東之灤河元至元二十八年議疏濬灤河漕運上都大德

五年灤水漲溢平州城郭俱被其患元人亦謂灤河曰御河元史延祐四年上都城南御河西泰定二年永

平路復請築堤以防灤水三年上都言灤水噴堤請及時修治蓋灤水源高流迅易於決溢自開平棄而灤

河中流遂屬荒外倘狡焉者爲竊塞之謀平灤一帶能不以沉溺爲虞哉

其重險則有井陘 井陘關在真定府獲鹿縣西十里山西平定州東九十里呂氏春秋天下九塞井陘其一